



SAOPĆENJE ZA JAVNOST

Pritvor kineskim državljanima **Osumnjičeni za otmicu dvoje sunarodnika**

Postupivši po prijedlogu Tužilaštva Brčko distrikta BiH nadležni sud u Brčkom odredio je pritvor kineskim državljanima S. B. (51)* i S. X. (40)* zbog otmice dvoje sunarodnika izvršene 5. maja u Brčkom. Usljed opasnosti od bjekstva, njima je određen pritvor u trajanju od jednog mjeseca, dok su osumnjičenoj za pomaganje u otmici W.S. (44)* izrečene mjere zabrane.

U okviru istrage, koja se vodi pod nadzorom Tužilaštva, Policija Brčko distrikta BiH krajem prošle sedmice uhapsila je troje kineskih državljana zbog sumnje da su 5. maja, oko 9.00 sati, ispred hotela *Nea Garni* u Brčkom izveli otmici sunarodnika Z. J. i H. G. Sumnja se da su S. B. i S. X, u namjeri da od Z. J. iznude poslovni dug, s dva tjelesna čuvara, sačekali izlazak oštećenih iz hotela, a zatim ih uz prijetnje uveli u automobil i odvezli u obližnji stan trećeosumnjičene W. S. Tu su ih protivpravno držali i prijeteci im pištoljima uslovljavali da S. B. na ime štete iz ranijih poslovnih odnosa vrate iznos od 125 000,00 EUR-a - navodi se u naredbi o sprovođenju istrage. Koristeći telefon koji mu je ostavljen za kontakte radi slanja novca, Z. J. je uspio poslati poziv u pomoć prijatelju, koji je uveče tog dana događaj prijavio Policiji.

Policija ih je ubrzo lišila slobode i predala Tužilaštvu, koje je odmah po ispitivanju osumnjičenih podnijelo prijedlog za određivanje pritvora za S. B. i S. X, odnosno za izricanje mjera zabrane za W. S. Da bi se osiguralo njihovo daljnje prisustvo i uspješno vođenje krivičnog postupka, Osnovni sud Distrikta prihvatio je oba tužilačka prijedloga. Usljed opasnosti od bjekstva, sud je odredio pritvor za S. B. i S. X. u trajanju od jednog mjeseca, dok je osumnjičenoj W. S. izrekao mjere zabrane napuštanja boravišta i putovanja, uz privremeno oduzimanje važeće putne isprave. Nezavisno od odluke po žalbi, koju osumnjičeni mogu izjaviti Apelacionom sudu, Tužilaštvo i Policija intenzivno nastavljaju istragu u pravcu dokazivanja krivičnih djela Otmice (iz člana 177 stav 2 Krivičnog zakona Brčko distrikta BiH) i Neovlaštene nabavke, držanja ili prodaje oružja ili bitnih dijelova za oružje (iz člana 65 stav 1 Zakona o oružju i municiji Brčko distrikta BiH).

*Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.

Tužilaštvo Brčko distrikta Bosne i Hercegovine 9.5.2022. godine

GLAVNI TUŽILAC
ZEKERIJA MUJKANović